

辨證奇聞卷九

太醫院院使鏡湖氏錢

松百

婦人科

帶門 五十八

婦人有終年累月下流白物如涕如唾不能禁止自然而下者甚則臭穢所謂白帶也夫帶病俱是濕病而以帶名者因婦人有帶脉不能約束故以帶名之帶脉通於任督之脉任督病而帶脉亦病帶脉者止婦人育之所以束胞胎之系也婦人無帶脉則胞胎不堅難以繫胎故帶脉弱而胎易墜損傷帶脉則始必不牢然而帶脉損傷非端跌

閃挫氣已也行房而故於縫送 飲酒而出於顛狂雖無疼
痛之苦而其中暗耗則白物自下故帶病在師寡女出嫁
之女多而處子在閣未破瓜之女少也況加之脾氣之虛
肝氣之鬱濕氣之侵火氣之逼安得不成爲帶下之症哉
白帶者濕盛而火衰肝鬱脾虛則脾土受傷濕土之氣下
陷是以脾精不守不能化爲榮血而變成白滑之物由陰
門而直下欲自禁止而不可得也治之法宜大補其脾胃
之氣而少佐之箇箇之味使風木不閉塞於地中則地氣
自升騰於天上脾氣健而濕氣自消方用完帶湯 白朮

兩蒼朮 三錢 止草 一錢 重荊子 三錢 山藥 一兩 陳皮 五

分人參二錢 白芍五錢 柴胡六分 荆芥五分 半夏一錢 水

煎服二劑輕四劑止六劑全愈此方脾肝三經同治之法
寓補於升之中寄消於散之內開提肝木之氣則肝血不
燥何致下剋於脾土補益脾土之元脾經不濕何難分消
夫水氣至於補脾而兼補胃者脾胃表裡也脾非胃氣之
強則脾之弱不能旺然則補胃正所以補脾耳

婦人有帶下而色紅者似血非血所謂赤帶也赤帶亦濕
病濕亦見黃白之色乃不現黃白而現赤者火熱之故也
火之色赤故帶下亦現赤色耳惟是帶脈系於腰膝之間
近於至陰之地不宜有火豈其路通命門而腎中之火出

而燒之耶不知帶脉不通腎而通肝婦人憂思以傷脾又
加鬱怒以傷肝於是肝火內熾下剋脾土而脾土不能運
化濕熱之氣蘊結於帶脉之間而肝火焚燒肝血不感亦
滲乎帶脉之內帶脉又因脾氣之傷約束無力而濕熱之
氣隨氣下陷同血而俱下觀其形象似血非血其實血與
濕俱不能兩分之也世人以赤帶屬之心火者誤耳治之
法清其肝中之火而扶其脾氣則赤淋庶幾更愈乎方用
清肝止淋湯 芍藥一兩 當歸一兩 芎膠三錢 生地五錢
丹皮三錢 黃柏一錢 牛膝二錢 黑豆一兩 香附一錢 紅棗
十枚 水煎服一劑少止二劑又少止四劑全止十劑不再

發此方但去補肝之血全不去利脾之濕者以赤帶之病
火重而濕輕也夫火之所旺者由於血之衰也補血足以
制火矣且水與血合而成赤帶竟不能辨其是濕而非濕
則濕盡化爲血矣所以治血可也又何必利濕哉此方之
妙在純不治血而少加之清火之味故奏功獨奇倘一利
其濕反引火而下行轉難遽效耳或問先生前言助其脾
土今但補肝木之血絕不補脾土之氣何也不知用芍藥
以平肝則肝氣得舒自不去剋脾土是補脾正所以扶脾
又何必加人參白朮之多事哉

婦人有帶下而色黑者甚則下如墨汁其氣最腥人以下

寒之極也誰知是火熱之極乎天火色宜紅何成黑色不知火極似水乃假象也其症必然腹痛小便之時必然如刀之觸陰門之口必然發腫面色必然發紅久則黃瘦飲食必然兼入口必大渴飲之涼水少覺寬快此命門之火與膀胱三焦之火合而胃火又旺四火同煎妄得不熬乾而成炭色則此等之症不致發狂者以腎水與肺金之氣涓涓不絕足以潤心而濟胃耳所以飲水下胃但成帶下之症火結於下而不炎於上也治之法惟以瀉火爲主火退而濕執自舒也方用利火湯

大黃三錢 白朮五錢 茯苓

苓三錢 車前子三錢 王不留行三錢 劉寄奴三錢 黃連三

錢炒梔子三錢 石膏五錢 知母二錢 水煎服一劑而小便

大利二劑而黑帶變爲白帶矣三劑而白帶亦少減去一半再服三劑全愈此方未免過於迅利殊不知火盛之時用不得依違之法救焚而少爲迂緩則火勢延燒不盡不止矣今用黃連石膏知母梔子一派寒涼瀉火之味入於大黃之中則迅速掃除而又得王不留行與寄奴之味利濕甚急俱無停住之機佐白朮車前茯苓速成旣濟之功也

婦人有帶下而色黃者宛如黃茶濃汁其氣帶腥人以爲脾經之濕熱也誰知是任脉之濕熱乎夫任脉本不能容

水如何濕氣入於中而化爲黃帶乎不知帶脉橫生通於任脉任脉直上走於唇齒唇齒之間原有不斷之泉下灌於任脉使任脉無熱則口中津液盡化爲精以入於腎中矣惟有熱以存於下焦之間則津不化精而化濕天水色白而火色紅今濕與熱合欲變紅而不能欲返白而不得煎熬成汁因變爲黃色矣黃乃土之色也真水真火合而成丹邪水邪火合而帶黃世人以黃帶爲脾之濕熱而單去治脾此黃帶之所以難痊也方用退黃湯治之

山藥

一兩

芡實

一兩

黃柏

二錢

車前子

一錢

白朮

十枚

水煎服

連用四劑無不全愈此方不特治黃帶之方也凡有白帶

者俱可治之而治黃帶尤奏奇功蓋山藥艾實專補任脉之虛而又能利水加之白朮引入任脉之中更爲便捷所以奏功甚速也至所用黃柏卽解脉之熱矣

婦人有帶下而色青者甚則色綠如綠豆汁稠粘不斷其氣亦鯉人以爲小腸之濕熱也誰知是肝經之濕熱乎夫肝屬木而木之色屬青帶下流如綠豆之汁明是肝木之病但肝最喜水濕亦水也似濕非肝之所惡何以竟成青帶之症不知水雖爲肝之所喜而熱實爲肝之所惡而所惡者合之所喜必有違其性者矣肝之性旣違則肝之氣必逆氣欲上升而濕欲下降兩相牽掣必停住於中焦之

開於是走於帶脈從陰門而出其色青綠者正以其乘肝
木之氣也逆輕者熱必輕而色青逆重者熱必重而色綠
似乎治言者易而治綠者難然而無難也解其肝中之火
而利其膀胱之水則帶病自愈矣方用逍遙散加減治之
茯苓五錢 白朮五錢 甘草五分 陳皮一錢 柴胡一錢 白
芍五錢 茵陳三錢 炒梔子三錢 水煎服二劑而色淡四劑
而青綠之帶絕不必多劑也夫逍遙散所醫之方也何以
取之治青帶如是之神則蓋肝經濕熱留之者因肝氣之
逆也逍遙散最解肝之逆氣逆氣平則濕熱難留況益之
茵陳之利濕梔子之清熱肝氣清涼而青綠之帶又何自

求乎此方之所以奇而可用也倘僅治青帶惟以利濕清熱爲事置肝氣於不問亦安有止帶之日哉

血枯門

五十九

婦人有年未至七七之期而經水先斷者人以爲血枯經閉也誰知是心肝脾之氣鬱乎凡人血枯而安能久延於人世醫見經水之不行謂其血枯耳其實非血之枯乃血之閉也且經水非血也乃天一之水出之腎經之中至陰之精而有至陽之氣故其色紅赤似血而非血也世人以經水爲血此千古之悞倘果是血何不名之曰血水而古昔至聖剝呼經水者以水出於腎經故以經名之無如世

人沿襲不深思其故而皆視之爲血也然則經水早斷似
乎腎水之衰涸吾以爲心脾氣之鬱者又是何故蓋腎水
之生不由於三經而腎水之化實關於三經也腎非肝氣
之相通則腎氣不能開腎非心氣之相交則腎氣不能上
腎非脾氣之相養則腎氣不能成倘三經有一經之鬱則
氣不入於腎之中而腎之氣卽閉塞而不宜況三經齊鬱
而腎水真是尙有絡絡難出之狀而腎氣原虛又何以搆
精盈滿化經水而外泄耶此經之所以閉而有似乎血枯
耳治之法必須散三經之鬱而大補其腎補腎之中仍補
其三經之氣則精溢而經自通也方用滋經湯 熟地一

兩白朮一兩 山藥五錢 生薑仁二錢 白芍三錢 當歸五錢

丹皮一錢 沙參三錢 柴胡一錢 杜仲一錢 人參二錢 水煎

服連服八劑而經通矣服一月人健不再經閉兼易受孕
此方心肝脾腎四經同治之藥妙在補以通之散以開之
也倘徒補則鬱不開而生火倘徒散則氣益衰而耗精設
或用功堅之味最熱之品不特無益而反害之也

人有在室未嫁月經不來腹大如娠面色乍赤乍白脉乍
大乍小人以爲血枯經閉也誰知是靈鬼憑身乎大凡人
心正則不能侵人心邪則邪日來犯或精神恍惚而夢裡
求親或眼目昏花而日中相狎或假託戚屬而暗處貪歡

或明言仙人而靜地取樂其先未嘗未驚託爲奇遇而不
肯告人其後則羞赧爲淫褻而不敢告人矣年深月久人
之精血僅足以供腹中之邪邪日旺而正日衰勢必至經
閉血枯而後已欲導其經邪徠其腹而經難通欲生其血
邪飲其精而血難長醫以爲胎而非胎醫以爲癩而非癩
徃有因循等待成爲癆瘵之症至死不悟不重可悲乎治
之法似宜補正以祛邪然而邪之不去補正亦無益也必
先去其邪而補正之爲得耳方用瀉邪丹 雷丸三錢 桃
仁三十粒 大黃二錢 當歸五錢 丹皮五錢 生甘草二錢 水
煎服一劑必下穢物半桶再用調正湯治之 白朮五錢

蒼朮 五錢 茯苓 一錢 陳皮 一錢 甘草 一錢 薏仁 五錢 貝母

一錢 水煎服連用四劑脾胃之氣轉而經血漸行矣前方

湯邪後方補正實有次第也或疑身懷鬼胎必傷其血所以血枯而後經閉也今既墮其胎乃不補血而反補胃氣者何故蓋鬼氣中人其正氣之虛可知且血不能驟生補氣自易生血二术善補陽氣陽旺而陰氣難犯尤善後氣妙法也倘服補血之藥則陰以招陰吾恐鬼胎雖下而血氣未必不再種矣故不若補其陽氣使鬼崇之難侵而生血愈速耳

血崩門

存

一婦人有一時血崩雙目黑暗昏暈於地者人以為火盛而動血也然而此火非實火也人虛火耳世人一見血崩往往用止瀉之藥雖亦能取效於一時而虛火未補易於沖擊隨止隨發終年終月而不能愈者有矣是止崩之藥斷不用必須於補之中而行其止之法方用固本止崩湯

熟地一兩 白朮一兩 黃芪三錢 人參三錢 當歸五錢 炒
 黑乾姜二錢 水煎服一劑而崩止十劑永不復發倘畏藥味之重減去其半則力量甚薄而不能止矣方中妙在全不去止血而惟去補血且不止補血而更去補氣非惟補氣而並且補火何也夫血崩而至於黑暗昏暈則血已盡

去僅存一線之氣若不急補氣而先補血則有形之血不能速生而無形之氣必且盡散此所以不補血而先補氣也然而補氣而不補血則血又不能易生補血而不補火則血且凝滯而不能隨氣而速生也況乾姜引血歸經補中有收斂之此所以同補氣血之藥而並用耳

一有老婦血崩者其症亦與前同人以爲老婦之虛耳誰知是不慎房幃之故乎婦人至五十之外者天癸匱乏原宜閉關不宜出戰苟或適興草草了事尙不至腎火之天動倘興酣浪鬪一如少年時鮮不血空大開崩決而墜矣方用當歸補血湯加味療之

黃芪一兩
當歸一兩
三七

根末 三冬 桑葉 十四片 水煎服二劑而血止四劑不再發

然必須斷慾也設再犯忌未有不重病者也夫補血湯乃

氣血雙補之神劑三七根乃止血之聖藥加入桑葉者以

滋其腎中之陰而又有收斂之耳但老婦陰精既虧用此

方以止其一時之漏實有奇功而不可責其永遠之績者

以補精之味也服此方四劑之後方中增入 白木 五錢

熟地 一兩 山藥 四錢 麥冬 三錢 北五味 一錢 服三月則崩

漏可以盡除矣

一有少婦 受娠三月即便血崩而胎亦墮墮人以爲控

閉受傷而血崩也誰知是行房不慎哉少年婦人行房亦

事之常也何使血崩亦因其氣之衰耳凡婦人氣衰者不
耐久戰戰久則必泄精精泄太多則氣益不能收攝夫血
矣況加久戰則虛火內動精門不關而血空亦不能閉於
是胎不能固內外齊動而血又不能固哉治之法自當以
補氣爲主而佐之止血之味則得定矣方用固氣湯人

參

三錢

白朮

五錢

當歸

三錢

熟地

錢

杜仲

三錢

山茱萸

二錢

遠志

一劑而血止連服十劑全愈此方因氣而兼補其血已去

之血可以速生而得脫之血可以盡攝凡因虛而血崩者

此方最宜通治非僅治小產之血崩也茲方尤妙在不去

止血而止血之味已全於中所以可通治耳

一有婦人一交感則流血不止者雖不至血崩之甚然而終年不愈未免氣血兩傷久則有血枯經閉之憂矣此等之病或於月經來時貪歡交感精冲血管也夫精冲血管不過一時之傷精出宜愈何以久而流血也不知血管不可精傷者也凡婦人受孕則血管已淨之時也倘經初來其血正旺彼欲出而精射之則所泄之血盡退而縮入既不能受孕而成胎勢必至集精而化血遇交感之時淫氣觸動其舊日之精則兩氣相感精欲出而血即隨其出矣治之方須通其胞胎之氣引精外出而益益填精補氣之

藥則血管之傷可以再補矣方用引精止血湯 人參三

錢 白朮一兩 茯神三錢 車前子三錢 黃柏五分 炒黑乾姜

一錢 熟地一兩 山茱萸五錢 炒黑荆芥三錢 水煎服連服

四劑即愈十劑不再發此方用人參白朮以補氣用熟地
山萸以補精精氣既補則血管自然流動加入茯神車前
以利其尿竅尿竅利而血竅亦利又加入黃柏直入於血
管之中以引風精出於血管之口再加荆芥以引敗血出
於血管之外又益之炒黑乾姜以止其血管之口一方之
中實有調和曲折之妙故能除舊疾而去陳痼也然服此
藥必須忌行房三月則破者不至傷而補者不至再損否

則亦只可取目前之效耳寧不慎之哉

一婦人有懷抱甚鬱口乾作渴嘔吐吞酸而血下崩者人以火治之時而效時而不效此其故何也蓋肝氣之結也夫肝主藏血氣結宜血結矣何以反致崩漏不知肝性正急氣結則其性更急矣急則血不能藏也治之法宜開鬱爲主然而徒開其鬱而不用平肝之藥則肝氣大開肝火更熾血亦何能止遏也方用平肝止血湯 白芍二兩 白朮一兩 當歸一兩 柴胡一錢 三七根末三錢 甘草二錢 丹皮三錢 荆芥二錢 生地三錢 水煎服一劑嘔吐止二劑乾渴除四劑血崩自愈方中妙在白芍之平肝得柴胡而鬱

氣盡解自未利肢膈則血無積住之惡荆芥通經絡則血
有歸還之樂丹皮又清其骨髓之熱生地清其臟腑之火
當歸三七又於補血之中以行其止血之法自然鬱散而
血止也

婦人有升高墜下或閃跌受傷以致惡血下冲有如血崩
者若作血崩治之而用止瀉之藥適所以害之也其症必
然手按之而疼痛久則面目痿黃形容枯槁治之法須行
血以去瘀活血以止痛則其血自止苟不解其瘀痛而即
用補澁之品則瘀血內攻痛不能止反致新血不生舊血
作祟也方用逐瘀止崩湯 大黃三錢 生地一兩 當歸尾

五錢 敗龜板 三錢 芍藥 二錢 丹皮 一錢 枳壳 五分 桃仁 十

粒 水煎服一劑而病輕再劑而痛止三劑而血亦全止矣

不必服四劑也此方於活血之中而佐以下滯之藥故遂
瘀如掃而止血亦如神也或疑跌閃升墮雖由外而傷內
不比內傷之重然既已血崩則內傷必不輕何以但治其
瘀血而不去顧氣也不知跌閃升墮非由內傷而致外傷
者可比此本實不撥去標之病可耳何必顧其本而補其
內哉

人有每行人道經水即來一如血崩人以為胞胎有傷觸
之以動其血也誰知是子宮血海因熱不固之故乎夫子

宮卽在胞胎之下而血海又在胞胎之上也血海者衝脉也衝脉寒而血虧衝脉熱而血沸血崩之病正衝脉之熱也然而衝脉既熱宜血之日崩矣河以必交接而如血來耶蓋脾與肝之無恙也脾健則能攝血肝平則能藏血人未入房則君相二火寂然不動雖衝脉獨熱而血不外泄也及至交接子宮大開而君相之火翕然齊動以鼓其精房而血海泛溢有不可止遏之勢肝欲藏血而不能脾欲攝血而不得故經水隨交而至若有聲應之捷焉治之法必須絕慾者三月然後用滋陰降火之藥以涼其血海則終身之病可半載而愈也方用清海丸

熟地一斤桑葉

一片白木 一片元參 一片山茱萸 八兩北五味 三兩

十兩沙參 十兩地骨皮 十兩丹皮 十兩白芍 一方龍骨 醋

滑用二兩山藥 十兩石斛 八兩各爲細末蜜爲丸每日早

晚白滾水各送下五錢服半年全愈此方補陰而無浮動之虞縮血而無寒冷之害日計不足而月計有餘潛移默奪于宮清涼而血海自固也倘不治其本源而止以髮灰白礬黃連五倍子以外治其幽陰之處吾恐愈塞而愈流也

調經門

天十一

婦人有先期而經來者其經水甚多人以爲血熱之極也

誰知是腎中水火之旺乎夫火旺則血熱水旺則血多此有餘之病而非不足之症也似可勿藥有喜但過於有餘則子宮大熱亦難受孕恐有燦乾男精之慮太過者損之亦既濟之道也然而火不可任其有餘而水斷不可使之不足治之法但少清其火而不必瀉水也方用丹皮二錢地骨皮五錢白芍三錢青蒿二錢黃柏五分熟地三錢茯苓二錢水煎服此方名爲清經散服三劑而自平也方中雖是清火之品然仍是滋水之味火瀉而水不與之俱瀉則兩不損而兩有益也

婦人有先期而經來其經水止有一二點人亦以爲血熱

之極也誰知是腎中火旺而陰水虛乎同是先期經來何以分爲虛實之異蓋婦人之經最難調不分別細微用藥鮮能奏效先期者火氣之冲多寡者水氣之驗故先期而來多火熱而水有餘先期而來少火熱而水不足倘一見先期而俱以爲有餘之熱但瀉火而不補水或水火之兩瀉如何不增病哉治之法不必瀉火專補其水水足而火氣自消方用元參一兩生地一兩白芍五錢麥冬五錢

阿膠

三錢

地骨皮

三錢

水煎服連服四劑而經調矣方名

兩地湯以地骨生地同用耳二味俱能涼骨中之熱也骨

中之熱由於腎宮之熱也涼其骨髓則腎氣自寒而又不

損傷胃氣此治之巧也況所用諸藥又純是補水之味水盛而火安得不平乎此條與上條並觀斷無悞治先期之病矣

婦人有經來後期而甚多者人以爲血虛之病也誰知非血虛之故乎蓋後期之多少實有不同不可執一而論後期而來少血寒而不足後期而來多血寒而有餘夫經水雖本於腎而其流則五臟六腑之血皆歸之故經一來而諸血盡來附益以經開而門啟不遑迅闔諸血乘其隙而皆出也但血旣出矣則成不足之症治法宜於補中溫之非曰後期者俱不足也方用溫經攝血湯 白芍 一兩 川

芎五錢 肉桂五分 熟地一兩 白朮五錢 續斷一錢 五味子

三分 柴胡五分 水煎服二十劑而經調矣此方大補腎肝

脾之精血加肉桂以祛其寒加柴胡以解其鬱是補中有散而散非耗氣補中有瀉而瀉非損陰所以受補之益而收溫之功也是方凡經來後期者俱可用誠調經之妙藥而攝血之仙丹也倘人之元氣虛加入人參一二錢亦未爲不可耳

婦人有經來斷續或前或後無一定之期者人以爲氣血之虛也誰知是肝氣之鬱結乎夫經水出諸腎經而肝爲腎之子肝鬱則腎亦鬱矣腎鬱而氣自不宣前後之或斷

或續正腎氣之或通或閉耳雖然肝氣鬱而腎不應未必

至於如此然子母關切子病而母必有顧復之情肝泄而

腎自有續綫之誼肝氣之或藏或閉即腎氣之或去或留

有相因而至者又何疑乎然則治之法舒肝之鬱即所以

開腎之鬱也開肝腎之鬱即所定經水之流也方用定經

湯 白芍一兩 當歸一兩 熟地五錢 山藥五錢 兔絲子一

兩 柴胡五分 荆芥炒黑一錢 茯苓三錢 水煎服二劑而經

水淨四劑而經期定矣此方舒腎肝之氣非通經之藥也

補肝腎之津非利水之品也腎肝氣舒而經通肝腎津旺

而水利不治之治正妙於治也

婦人有數月一行經者每以爲常且無或先或後之異又無或多或少之殊人以爲異而不知非異也此乃無病之人氣血兩不虧損耳夫氣血既不虧損何以數月而一行經耶婦人之中有天生仙骨者經水必四季一行蓋以季爲數而不以月爲盈虛也婦人之經水不泄則黃河便可逆流真氣內藏則坎之陽不損倘加以練形之法一年之內便易飛升無如世人不知練形之法見經水之不來悞認作病妄用藥餌徃徃無病而成病余聞異人之教特爲則揚使世人見此等之行經在不必治之列萬勿疑焉氣血之不足而輕施醫療也雖然天生仙骨之婦世正不少

而嗜慾深者天分損也又不可不立一救療之方方名助

仙丹 白朮三錢 茯苓五錢 甘草一錢 山藥三錢 陳皮五

分 白芍三錢 杜仲一錢 菟絲子二錢 水煎服二四劑而仍

如其舊不可再服也此方平補之中有妙理健脾益腎解鬱消痰不損其天然之氣血便是調經之大益何必用重劑以助火用熱藥以通經哉

婦人至五十之外或六七十歲者忽然行經或如紫血之塊或如紅血之淋人以爲老婦行經是還少之期誰知是血崩之漸乎婦人至七七之外天癸已窮又不服補陰濟陽之藥如何能使精滿化經一如少婦耶不宜行經而行

經者乃肝不藏血脾不統血也非泄精而動命門之火必
氣鬱而發龍雷之炎二火發動而血乃奔失有似於行經
而實非行經也遇此等之病非大補肝脾則血不能驟止
然而補肝脾者不可全補血以止血尤當兼補氣以止血
也方用安老丹 人參一錢黃芪一兩熟地一兩山茱萸
五錢當歸五錢阿膠一錢香附五分荆芥一錢甘草一錢
本耳灰一錢白朮五錢水煎服一劑少減二劑又減四劑
全止十劑全愈此方補益肝脾之氣氣足自能生血而氣
足且能攝血也尤妙大補腎水腎水足而肝氣益舒肝氣
舒而脾氣得養肝藏血而脾統血又安有漏泄哉血既無

漏泄之失亦何慮於血崩乎

婦人有經水忽來忽斷時痛時止往來寒熱人以為血結之故而不知非也此乃肝氣不舒耳夫肝屬本最惡者風寒也婦人行經則腠理大開適逢風吹則肝氣閉塞而經水之門亦隨之而俱閉於是腠理經絡各皆不宣而作寒熱氣行於陽而熱生氣行於陰而寒生也然此猶感寒之輕者倘外寒更甚則內熱益深往往有熱入血室而變為似狂之症一如遇鬼之狀今但往來寒熱是寒未甚而熱未深耳治之法補肝中之血通其鬱而散其風則病隨手而效也方用加味四物湯

熟地

一兩

川芎

三錢

白芍

五

錢富歸五錢 白木五錢 甘草一錢 玄胡索一錢 丹皮三錢

柴胡一錢 水煎服此方用四物以滋脾腎用柴胡白芍丹

皮以宣揚風鬱用甘草白木玄胡利腰臍以和腹痛入於
表神之間通於經絡之內用之得宜自然奏功如响也

婦人有經前疼痛數日後行經者其經水多是紫黑之塊
人以爲熱極而然也誰知是鬱極而火不能化乎夫肝中
有火鬱則不揚經欲行而肝氣不應則拂抑其氣而痛生
然而經滿則不能內藏而肝中火氣焚燒內逼經出而火
亦隨之而怒泄其色紫黑者水火兩戰之象也成魄者火
煎成形之狀也經失其爲經正鬱火內奪其權耳治之法

似宜大瀉肝中之火矣然瀉肝之火而不解肝之執熱
之標可去而熱之本未除也究何益哉方用宣醫調經湯
白芍五錢 當歸五錢 柴胡一錢 香附一錢 鬱金一錢 丹
皮五錢 白芥子二錢 甘草一錢 黃芩一錢 炒梔子三錢 水
煎服連服四劑下月斷不先腹痛而後行經也此方補肝
之血而又解肝之鬱利肝之氣而又退肝之火所以奏功

如神耳

婦人有行經後小腹作痛人以爲氣血之虛也誰知是腎
氣之涸乎夫經水乃天一之水也滿則溢而空則虛亦其
常也何以虛能作痛哉蓋腎水一虛則水不能生肝而肝

必下尅脾土土木相爭而氣逆故爾作痛也治之法亦須
舒肝之氣爲主而益之補腎之味則水足而肝氣益安矣
方用後調湯 阿膠三錢 荆芥三錢 巴戟天一錢 山藥五
錢 白芍三錢 當歸三錢 甘草一錢 山茱萸三錢 水煮服此
方平調肝腎既能轉逆氣於須臾尤善止鬱痛於頃刻經
後以此方調理最佳不止治經後腹痛也

婦人有行經之前一二日忽然腹痛而吐血人以爲火盛
之極也誰知是肝氣之逆不順行而上吐乎夫肝之氣最
急宜順而不宜逆也順則氣安逆則氣動血則隨氣而俱
行氣安則血安氣動則血動毋怪其然若經逆則在腎而

不在肝何以隨血而妄行竟至從口而上出耶不知少陰之火急如奔馬得肝中龍雷之氣直冲而上其勢最捷反經而爲血又至便也正不必肝不藏血始成吐血之症但此等吐血不同各經之吐血也各經之吐血乃內傷而成者也逆經而吐血者乃內溢而激之使出者也其症絕有異同而逆氣則一也治之法似乎治逆以平肝而不必益精以補腎雖然逆經而吐血雖不損夫血而反覆顛倒未免傷腎之氣而血又上泄過多則腎水亦虧矣必須於補腎之中以行其順氣之法也方用順經湯

當歸 五錢 白芍 三錢

芍 三錢

熟地 五錢

茯苓 三錢

牛膝 三錢

丹皮 五錢

沙參 三錢

三

三

三

三

錢荆芥炒黑三錢水煎服一劑而吐血止二劑而經順連

服二劑不再逆經也此方於補腎補肝之中而用引血歸經之藥肝氣不逆而腎氣自順也腎氣既順而經又何能逆哉

人有經水將來三五日前臍下痠痛狀如刀刺寒熱交加下如黑豆汁既而經來因之無娠人以爲血熱之故誰之是下焦寒濕相爭之故乎夫寒濕之氣乃邪氣也婦人有任衝之脉居於下焦衝脉爲血海任脉主胞胎爲血室皆喜正氣之相通最惡邪氣之相犯經水由二經而外出而寒濕之氣彌滿於二經之外勢必兩相爭而作痠痛矣邪

盛正衰寒氣生濁下如豆汁之黑者見北方寒水之象也
治之法利其濕而溫其寒衝任無邪何至凝結而作痛哉
方用溫劑化濕湯 白朮一兩 茯苓三錢 巴戟天五錢 山
藥五錢 扁豆三錢 白果十枚 蓮子三十粒 連心 用水煎服
然必須經未來前十日服之四劑而邪去經調兼可種子
也此方用白朮以利腰膈更用巴戟白果以通任脈再用
山藥扁豆蓮子以衛衝脈故寒濕盡去而經水自調矣倘
疑腹痛爲熱邪之作祟而妄用寒涼則衝任虛冷血海變
爲冰海血室成爲冰室毋論艱於生育而疴痛又何有止

曰哉

婦人有經水過多行後復行面色痿黃人倦無力人以爲血熱之故也誰知是血虛而不歸經乎夫血旺則經多血少則經縮何以血虛而經反多耶不知血歸於經雖血旺而經不多血不歸經雖血衰而經亦不少世人以經水過多爲是血之旺也此治之所以錯耳倘經多果是血旺一行經宜止矣何以行後而再行耶惟經多是虛故再行而不勝其困乏而血損精散骨中髓空不能色華於面也治之法大補其血之不足而引其歸經又寧有經後再行之病哉方用四物湯加味治之

熟地

一兩

川芎

二錢

白芍

三錢

當歸

五錢

荆芥

三錢

山茱萸

二錢

白木

五錢

續斷

一兩

續斷

一兩

錢甘草一錢 水煎服四劑而血歸經 矣十劑而後加入參

三錢 再服十劑下月行經適可而止 不再行也四物湯乃

補血之神藥加白朮荆芥行中有利 加山茱萸續斷止中
有補加甘草而調和得宜所以血足而歸經經歸而血淨
也

婦人有行經前先瀉三日而後行經人以為血旺之故也
誰知是脾氣之虛乎夫脾統血脾虛則氣不能攝血矣且
脾屬濕土脾虛則土不實土不實而濕更甚焉經水將動
而脾氣先不能固脾血欲流注於血海而濕氣先乘之矣
所以先瀉水而後行經也調經之法不在先止其水而當

先止其血亦不在先止其血而在先補其氣蓋氣旺而血

自能固亦氣旺而濕自能瀉方用健固湯 人參一錢 茯苓

苓三錢 白朮一兩 巴戟天五錢 薏仁三錢 水煎服連服十

劑而經行不瀉矣此方補脾氣以固脾血則血攝於氣之

中脾血日盛自能運化其濕既化爲烏有又何能作瀉哉

婦人有行經之前一日大便出血者人以爲血崩之症也

誰知是經入於大腸乎夫大腸與行經之路各別何以能

入於其中乎不知胞胎之系上通心而下通腎心腎不交

則胞胎之血兩無所歸而心腎二經之氣不來照攝聽其

自便血乃不走小便而走大便矣治之法單止其大便之

血則合止而愈多反擊動三焦之氣拂亂而不可止蓋經

之妄行原因心腎之不交今不使心腎之既濟而徒出其

胞胎則胞胎之氣無所歸而血又安有歸經之日哉故必

須大補心腎使心腎之氣接而胞胎之氣不散則大腸之

血自不妄行也方用歸經兩安湯 人參 一錢 當歸 五錢

白芍 五錢 熟地 五錢 山茱萸 二錢 巴戟天 一錢 白朮 五錢

麥冬 五錢 荆芥 炒黑 三錢 升麻 四分 水煎服一劑而血止

二劑而經從前陰出矣三劑而經止並可受娠此方乃大

補心肝腎三經之藥全不去顧胞胎而胞胎有所歸者以

心腎之氣合也心腎虛而氣乃兩分心腎足而氣乃兩合

心腎不離而胞胎之氣聽令於二經之靜攝又安有亂動之形哉然則補心腎可也何又兼補夫肝木耶不知肝乃腎之子而心之母也補其肝血則肝氣往來於心腎之間自然上引心而入於腎下引腎而入於心不啻如介紹之歡也

受妊門 二十二

婦人有瘦怯身軀久不孕有一交男子即病終朝人以爲氣虛之故也誰知是血虛之故乎夫血藏於肝之中精涵於腎之內交感乃泄腎中之精與血虛何與不知肝氣不開則精不能泄及精既泄而肝氣益虛以腎爲肝之母以

既泄精不能分潤以養肝木之子而肝燥無水則火且暗
動以燥精腎愈虛矣况瘦人多火又加泄精則水益少而
火益熾水難制火而腰腎空虛所以倦怠而臥也此等之
婦偏易動火然而此火出於肝木之中又是虛火而非真
火也不交合則已交則又偏易走泄陰虛火妄不能受胎
卽偶爾受胎逼乾男子之精有隨種而隨消矣治之法必
須大補腎中之水而平其肝木水旺而血亦旺水旺而火
亦滅也方用養陰種玉湯

熟地 五錢

白芍 五錢

當歸 五

茯苓 二錢

山茱萸 五錢

甘菊花 一錢

丹皮 二錢

山藥 三

杜仲 二錢

牛膝 一錢

水煎服三月便可受孕服三月身

健斷斷可以種子也此方不特補血而純於填精精滿則
子宮易於攝精血足則子宮易於容物皆有子之道也惟
是世人貪慾者多節慾者少服此藥必保守者三月必然
坐孕否則止可自健勿咎藥品之未靈也
婦人有飲食少思膈膈飽悶終日倦怠惟思睡眠一行房
事呻吟不已人以爲脾胃之氣虛也誰知是腎氣之不足
乎夫氣宜升騰不宜降陷升騰於上焦則脾胃易於分消
降陷於下焦則脾胃難於運化人無水穀之養則精神自
然倦怠脾胃之氣烏可降而不升乎惟是脾胃之氣雖充
於脾胃之中而實生於兩腎之內無腎中之水氣則胃之

氣不能騰無腎中之火氣則脾之氣不能化有腎中水片之二氣而脾胃之氣始能升而不能降也然則補胃之氣可不亟補腎中水火之氣乎治之法必以補腎爲主但補腎而不用補脾胃之藥則腎中水火之氣不能提於至陽之上也方用兼提湯

人參

一錢

白朮

一兩

熟地

一兩

山

萊菔

三錢

黃芪

五錢

枸杞子

二錢

柴胡

五分

巴戟天

一兩

水煎服三月而腎氣大旺再服一月未有不可受孕者此

方補氣之藥多於補精似乎以補脾氣爲主孰知脾胃健而生精白易是補脾胃正所以補腎也脾胃既旺又加補精之味則陰氣既足陽氣易升不必升提而氣自騰越於

上焦況又原有升提之藥乎陽氣不下降無非大地之陽
春隨遇皆是生機安得而不受育哉

婦人有下身冰冷非火不煖交感之時陰中絕不見有溫
熱之氣人以爲天分之薄也誰知是胞胎之寒乎夫寒水
之地不生草木重陰之淵不長魚龍胞胎寒冷又何能受
孕哉雖男子鼓勇而戰其精至熱直射於子宮而陰寒之
氣相逼亦茹之於暫而不能不吐之於久也惟是胞胎何
以寒冷至此豈皆天資之薄乎不知胞胎居於心腎之間
上系於心而下系於腎胞胎之寒冷乃心火之微腎火之
衰也故治胞胎者仍須補心腎之二火方用溫胞散 八

參一錢 白朮一兩 巴戟天一兩 破故紙二錢 杜仲三錢 兜

絲子三錢 芡實三錢 山藥三錢 肉桂二錢 附子三分 水煎

服連服一月而胞胎熱矣此方補心而即補腎溫腎而即
溫心心腎之氣旺則心腎之火自生心腎之火生則胞胎
之寒自散原因胞胎之寒以致茹而即吐今胞胎既熱豈
尚有施而不受者乎倘改方爲丸朝夕吞服則尤能攝精
斷不至與伯道無兒之嘆也

婦人有素性恬淡飲食用少多則難受作嘔作瀉胸飽悶
脹人以爲天分之薄也誰知是脾胃之虛寒乎夫脾胃寒
虛亦是心腎之虛寒也胃土非心火不生而脾土非腎火

不化心腎之二火衰則脾胃卽失其生化之權卽不能傳
化水穀以化精微矣脾胃旣失生化之權不能化水穀之
精微白無津液以灌注於胞胎欲胞胎有溫煖之氣以養
胎氣必不得之數也總能受胎而帶脈之間斷然無力亦
必墮落此脾胃之虛寒所以無玉麟之毓也然則治之法
可不亟溫補其脾胃乎然而脾之母在於腎之命門胃之
母在於心之包絡溫補脾胃必須溫補二經之火蓋母旺
而子不能弱母熱而子不能寒也方用溫土毓麟湯 巴
戟天 一兩 覆盆子 一兩 白朮 五錢 人參 一錢 神曲 一錢 山

藥 五錢

水煎服連服一月可以種子矣此方脾胃同補卽

脾胃同溫也。蓋所用之藥既能溫命門之火而又能溫心包之火也。故藥物不多而四經可以並治。一用而無不用也。命門心包之火旺則脾胃無寒冷之虞。自然飲食多而善化其氣血日盛而帶脈有力可以勝任而愉快安有不玉麟之毓哉。

婦人有小腹之間自覺有緊迫之狀急而不舒斷難生子。此人之所不識也。人以爲邪氣之在腹也。誰知是帶脈之太急乎。夫帶脈繫於腰臍之間宜弛而不宜急。帶脈之急者由於腰臍之不利也。而腰臍之不利者又由於脾腎之不足。脾腎虛而腰臍之氣閉。腰臍氣閉而帶脈拘急。胞胎

牽動精即直射於胞胎胞胎雖能茹納而力難載負必有
小產之虞且人又不能節慾安保其不墜乎此帶脉之急
所以不能生子也治之法必須寬其帶脉之急而帶脉不
能遽寬也必須利其腰臍之氣而腰臍又不能遽利也又
必須大補脾腎而帶脉可寬也方用寬帶湯 白朮一兩

巴戟天 五錢 補骨脂 一錢 肉苁蓉 三錢 人參 三錢 麥冬 三

錢 五味子 三分 杜仲 三錢 蓮肉 二十個 不可去心 熟地 五

錢 當歸 三錢 白芍 三錢 水煎服連服四劑腹無緊迫之狀

服一月未有不受胎者此方脾腎雙補又無非利其腰臍

之氣自然帶脉寬舒可以載物而勝任也或疑方中用五

味白芍之類酸以收之不增帶脈之急而反得帶脈之寬
殊不可解不知帶脈之急因於氣血之虛血虛則縮而不
伸氣虛則攣而不達芍藥酸以平肝則肝不尅脾五味酸
以生腎腎能益帶似乎相碍而實能相成也

婦人有懷抱素惡不能生子人以爲天數之窮也誰知是
肝氣之鬱結手夫婦人有子之脈心脈必流利而且滑肝
脈必舒徐而且和腎脈必旺大而鼓指始稱喜脈未有三
部脈鬱而能生子者也蓋三部脈鬱肝氣未有不鬱結者
肝脈鬱而心腎之脈亦鬱肝脈結而心腎之脈亦結也卽
心腎二部之脈不鬱不結而肝部之脈獨鬱獨結卽非喜

脉矣蓋鬱則不喜喜則不鬱也其鬱而不能成胎者以其
肝氣不舒必下尅於脾土脾土之氣塞而腰臍之氣不利
又何能通任脉而達帶脉乎帶脉之氣閉而胞胎之口不
開精到門而不受柰之何哉治之法必須開其胞胎之口
而開胞胎之口者含胎爲無第二法也方用開鬱種子湯
香附三錢 白芍一兩 當歸五錢 丹皮三錢 陳皮五分 白
朮五錢 茯苓三錢 天花粉一錢 水煎服連服一月則鬱結
之氣盡開無非喜氣之盈腹自然兩相好合結胎於頃刻
矣此方解肝氣之鬱宣脾氣之困腰臍氣利不必通任脉
而任脉自通不必達帶脉而帶脉自達不必啓胞胎而胞

胎自啓也

婦人身體肥胖痰涎甚多不能受孕人以爲氣虛之故誰知是濕盛之故乎夫濕從下受乃言外邪之濕也而肥婦之濕實非外邪乃脾土內病也然脾土旣病不能分化水谷以養四肢宜身軀瘦弱矣何以能肥胖乎不知肥胖之婦氣衰而肉勝肉勝則肥氣衰則胖外似健旺而內實虛損也內虛則氣衰氣衰則不能行水而濕停於腸胃不化精而化涎矣夫脾乃濕土也又因痰多愈加其濕脾不能受自然侵潤於胞胎而歲久日積胞胎竟變爲汪洋之水窟矣且肥胖之婦內肉必滿遮隔子宮難以受精此必然

之勢也何況又多水濕即男子甚健鼓勇而鬪深入而戰
 射精甚遠直達子宮而水勢滔滔泛濫可畏亦隨入而隨
 流矣又何能受孕乎然則治之法必須以瀉水化痰為主
 然而徒瀉其水徒化其痰不急補脾土則陽氣不旺濕痰
 未必去而人先病矣烏望其茹精而不吐乎方用補中益
 氣湯加味治之 人參 三錢 當歸 三錢 黃芪 三錢 白朮 一
 兩 陳皮 五分 甘草 一錢 柴胡 一錢 升麻 四分 半夏 三錢 茯
 苓 五錢 水煎服連服八劑而痰氣盡消再服十劑而水濕
 亦利子宮潤出易於受精此方提脾氣而升於上則水濕
 反利於下行助胃氣而消於下則痰涎轉易於上化不必

用消尅之藥以損其肌不必用瀉決之味以開其竅陽氣
旺而自足以攝精邪濕散而自可以受種也

婦人口乾舌燥者蒸夜熱遍體火焦咳嗽吐沫斷難生子
人以爲陰虛火動也誰知是骨髓之內熱乎夫寒陰之地
固不生物而火燥昇乾之田又何能望禾黍之油油耶然
而骨髓於胞胎何相關切而能使人無嗣此前人之所未
言也鐸一旦創言之不驚世駭俗乎然而實有其理正不
足驚駭也胞胎爲五臟外之一臟因其不陰不陽所以不
列入於五臟之中不陰不陽者以其上系於心胞而下系
於命門系心胞者通於心系命門者通於腎也陰中有陽

而陽中有陰所以善於變化生男生女俱從此出然必陰陽兩平不偏不枯始能變化生人否則正不能生人也胞胎既通於腎骨髓者腎之所化也骨髓熱而腎熱腎熱而胞胎亦熱矣况胞胎無骨髓之養則嬰兒何以生骨骨髓熱而骨中空虛惟存火氣又何能成胎而作骨哉治之法必須清骨中之熱然而骨熱由於水虛補腎中之陰而骨熱自除胞胎無乾燥之虞則珠露有涵濡之喜矣方用清骨湯

骨湯

地骨皮

一兩

丹皮

五錢

沙參

五錢

麥冬

五錢

元參

五錢

北五味子

五分

金釵石斛

二錢

白朮

三錢

水煎服連

服一月而骨中之熱自解再服二月自可受孕矣此方補

腎中之精涼骨中之髓不清胞胎而胞胎無太熱之患矣
陰虛內熱之人原易受胎今因骨髓過熱所以受精而變
燥以致艱於育子本非胎之不能受精也所以少調其腎
以殺其火之有餘況又益其水之不足更易種子耳
婦人有腰痠背楚胸腹脹悶日日思寢朝朝欲臥百計求
子不能如願人以爲腰腎之虛也誰知是任督之困乎夫
任脈行於前督脈行於後然皆從帶脈上下而行也故任
脈虛而帶脈墮於前督脈虛而熱脈墜於後雖受男子之
精必多小產況任督之間有疝瘕之証則外多障礙而胞
胎縮入於疝瘕之內徃徃精不能施雖懷玉燕亦何益乎

治之法必去其疝瘕之病而補其任督之脈則提挈有力
足以勝任而無虞外無所障內有可容安得不受孕乎方
用升帶湯 白木一兩 人參三 沙參五 肉桂一 人
薺粉三 鱉甲炒三 神曲二 茯苓三 半夏一 水
煎服連服一月而任督之氣旺再服一月而疝瘕亦盡登
也此方利腰膈之氣正升補任督之氣也任督之氣升而
疝瘕有難存之勢況方中有肉桂之散寒有葶薺之祛積
有鱉甲之攻堅有茯苓之利濕有形自化於無形無非升
騰之氣又何至受精而再墮乎此必無之事也

婦人有小水艱澁腹中作脹兩腿虛浮不能坐孕人以為

心小腸之熱也誰知膀胱之氣不能化乎夫膀胱與胞胎相近膀胱病而胞胎亦病也水濕之氣必走膀胱然而膀胱不能自己分消必得腎氣相通而膀胱之氣始能化水水乃得從陰器以泄也倘膀胱無腎氣之通則膀胱之氣化不行水濕之氣必且滲入於胞胎汪洋之田何能生物哉治之法必須分消胞胎之濕然腎氣不旺而胞胎之水氣何從而化故又須治腎中之火使火氣達於膀胱也方用化水種玉丹 人參三不 白朮一兩 巴戟天一兩 肉桂一不 兔絲子五不 茯苓五不 車前子二不 芡實五不 水煎服二劑而膀胱之氣化矣四劑而艱澁之症去又服十劑

而虛脹之形盡消連服二月腎氣大旺易於受胎此方利
膀胱之水全在補腎中之氣然而補腎之藥多是濡潤之
品不以濕而益助其濕乎方中所用之藥妙於補腎之火
而非益腎之火尤妙於補火而無燥烈之虞利水而非蕩
滌之甚所以膀胱氣化而胞胎不至於過濕安有佈種而
艱於發育者乎

妊娠惡阻門 又十三

婦人懷妊之後惡心嘔吐思酸解渴見食則憎困倦欲臥
人以爲妊娠之惡阻也誰知是肝血之太燥乎夫婦人受
孕本於腎氣之旺也腎旺足以攝精然而腎一受精則腎

水生胎不能分潤於他臟而肝爲腎之子日食腎母之氣
一旦無津液之養則肝氣迫索而腎水不應則肝氣益急
火動而氣乃逆也於是惡心嘔吐之症生雖嘔吐不致大
甚而傷氣則一也氣傷則肝血愈耗世人以四物治產前
諸症正以其能生肝血也然而補那以生血未爲不佳但
恐生血而不能生氣則脾胃衰微不勝頻嘔吾恐氣虛而
血不易生也故治之法平肝補血之中宜用健脾開胃之
藥以生陽氣則氣能生血尤益胎氣耳雖然氣逆而用補
氣之藥氣旺下益助其逆乎不知懷姙惡阻其逆不甚且
逆亦因虛而逆非因邪而逆也因邪而逆者助其氣而逆

增因虛而逆者補其氣而逆轉況補氣於補血之中則陰

足以制陽又何患於逆乎方用順肝益氣湯 白芍 三錢

當歸 一錢 白朮 三錢 人參 一錢 茯苓 二錢 熟地 五錢 蘇子

一錢 麥冬 三錢 砂仁 一粒 神曲 一錢 陳皮 三分 水煎服一

劑而惡阻輕再劑而平三劑全愈此方肝腎脾胃肺五經

同調之法而其意專主於肝腎肝平則氣不逆腎旺則血

易生凡胎不動而少帶惡阻者俱以此方投之無不安靜

如故有益於孕婦不淺實勝於四物之湯也蓋四物湯專

治肝而此方不止治肝所以奏功尤神耳

一姓婦每至五月肢體倦怠飲食無味先兩足腫漸至遍

身後及頭面俱腫人以爲犯濕而然也誰知是脾肺之氣
虛乎夫妊娠雖有按月養胎之分其實不可拘於月數總
以健脾補肺爲主蓋脾統血而肺統氣也胎非血不蔭而
兒非氣不生脾健則血旺而蔭胎肺清則氣壯而生子苟
肺衰則氣餒氣餒卽不能運氣於皮膚矣脾虛則血少血
少卽不能運血於肢體矣氣血兩衰脾肺失令飲食難消
精微不化勢必氣血下陷而不能升舉而濕邪卽乘其所
虛之處聚濕而浮腫矣治之法當補其脾肺之虛而不必
以去濕爲事方用補中益氣湯加減治之 人參 五錢 白
朮 五錢 當歸 三錢 黃芪 三錢 陳皮 三分 甘草 一分 柴胡 一

錢升麻三分 茯苓一兩 水煎服一劑少脹二劑即寬三劑

漸清四劑即愈十劑不再犯也補中益氣湯原是升提脾肺之藥也似乎益氣而不益血不知血非氣不生升氣即升血也況濕氣相犯未便補血補氣而助之利濕之味則氣升而水尤易散耳然則少用利水之味可也何以重胃茯苓至一兩不幾以利水爲君乎嗟乎濕症而不用利水之味爲君又將用何藥爲君也重用茯苓於補氣之中雖是利水而仍是健脾清肺凡利水之藥多耗氣血而茯苓與白朮補多於利所以重用之以分濕邪即此以補氣血

耳

安胎門

二十四

婦人小腹作痛胎動不安如下墜之狀人以爲帶脉之無力也誰知是脾腎兩虧乎夫胞胎雖係於帶脉而帶脉實關於脾腎二經虧損則帶脉力微胎胞何能勝任乎然而人致脾腎之虧者非因於飲食之過多卽本於色慾之太甚不補脾補腎而帶脉迫急胞胎所以下墜也雖然胞胎亦何關於帶脉哉胞胎之來通於心腎不通於脾也補腎可也何必補脾然而脾胃爲後天之先天脾非先天之氣不能化腎非後天之氣不能生補腎而不補脾則腎之精政不能遺生也補後天之脾正所以補先天之腎補先後

天之脾腎正所以固胞胎之氣蓋胞胎原借先後天之氣

安可不兼補先後天脾腎哉方用安奠二天湯 人參一

兩 熟地 一兩 白朮 一兩 山藥 五錢 山萸 五錢 炙甘草 一

錢 杜仲 三錢 枸杞 二錢 扁豆 二錢 水煎服一劑而痛定二

劑而胎安不必三劑也夫胎動乃脾腎雙虧之症必須大

用參朮熟地補陰補陽之味始能挽回於頃刻也人往往

畏用參朮或少用以冀建功所以寡效此方正妙在多用

也

婦人懷胎至三四月自覺口乾舌燥咽喉微痛無津以潤

以致胎動不安甚則血流如經水人以爲火動之故也誰

知是水虛之故乎夫胎非男之精不結亦非女之精不成
逐月養胎古人每分經絡其實不能離腎水以養之也故
腎水足而胎安腎水缺而胎動雖然腎水又何能動胎哉
必腎火動而胎好不寧耳然而火之有餘仍是水之不足
火旺而動胎補腎水則足以安之矣惟是腎水不能遽生
必須上補肺金則金能生水而水有化源之樂水既有本
則源泉混混無根之火又何難制乎方中少加清熱之品
則胎氣易安方用潤燥安胎湯 熟地一兩 山茱萸五錢
益母草二錢 黃芩一錢 麥冬五錢 當歸三錢 阿膠二錢 五
味子二分 水煎服二劑而燥滅又二劑而胎安連服十劑

胎不再動也此方專添腎中之精雖兼於治肺然補肺而無非補腎故腎經不燥而火不燥胎安得而不寧靜乎

婦人有上吐下瀉以致胎動下墜疼痛難忍急不可緩人以爲脾胃之寒極也誰知是脾胃之虛極乎夫脾胃之氣虛則胞胎無力必有崩墜之虞況又加上吐下瀉則脾胃愈虛欲胞胎之無恙得乎然而胞胎雖疼痛而猶不下者又是何故蓋脾胃雖損而腎氣尙固也胞胎係於腎而連於心腎未損則腎氣交於心而心氣通於胞胎則胞胎所以欲墜而未墜也且腎氣能固則腎之氣必來生脾心氣能通則心之氣必來援脾胃蓋雍而未絕則胞胎雖動

而未落耳治之法可不急救其脾胃乎然而脾胃將絕止
救脾胃而土氣難生更補助其心腎之火則火能生土尤
易接續也方用按土固胎湯 人參一錢 白朮二兩 肉桂
二錢 山藥一兩 附子五分 炙甘草一錢 杜仲三錢 續斷三
錢 枸杞子三錢 山茱萸一兩 兔絲子三錢 砂仁三粒 水煎
服一劑而瀉止二劑而吐止腹中疼痛急迫無不盡止也
此方救脾胃之土十之八救心腎之火十之二也救火輕
於救土者豈土欲絕而火未絕乎不知土崩非重劑不能
援火息雖小劑而可助熱藥多用必有太燥之虞不比溫
補之品可以多用況懷衽胎動原係土衰而非係火衰也

又何必用大熱之劑過於助土以傷胎氣哉

婦人有懷抱憂鬱以致胎動不安兩脇悶痛如子上懸人
以爲子懸之病也誰知是肝氣之不通乎夫養胎半係腎
水然非肝血相助則腎水亦必有獨力難支之勢故肝血
最不可缺也使肝經不鬱則肝氣不閉而肝血亦必不藏
自然灌注於胞胎以助腎水之不足今肝因憂鬱則肝且
閉塞而不通子無血蔭安得不上升以覓食乎此子懸之
所必至乃氣使之升而非子之欲自懸也治之法不必治
子懸以瀉子開肝氣之鬱結補肝血之燥乾則子懸自定

方用解懸湯

白芍

一兩

當歸

一兩

炒枝子

三錢

煨虎骨

五

砂仁 三錢 白木 五錢 人參 一錢 茯苓 三錢 薄荷 一錢 水

熊服一劑而悶痛除二劑而子懸定三劑而全安去枝子
多服數劑尤妙此方乃平肝解鬱之聖藥鬱開而肝不去
剋土肝平而木不去生火沉方中又有健脾生胃之藥自
然水穀生精四布於各臟而肝腎有潤澤之機則胞胎自
無乾澁之患又何致嬰兒之上懸哉

婦人有跌閃失足以致傷損胎元因而疼痛人以爲外傷
之故也誰知仍是內傷之故乎凡人胎氣甚固雖跌扑閃
挫仍然無恙惟其氣血素虧故畧有舉動便能動胎若作
跌閃外治未能奏功且有因治而反墮者必須大補氣血

而少加行動之味則瘀血自散而胎又得安然而補血補

氣之中又宜分別補血宜多而補氣宜少方用救損湯治

之 歸身五錢 白芍三錢 白朮五錢 人參一錢 生地一兩

甘草一錢 蘇木三錢 乳香末一錢 沒藥末一錢 水煎服一

劑而疼痛止二劑而胎不墜噎矣不必三劑也此方妙在

既能去瘀而又不傷胎蓋補血補氣而復無停滯之憂更

少通滑之害治無胎之跌閃亦建奇功治有胎之跌閃尤

見殊績所謂有益無損殆此方之謂歟

婦人有胎雖不動腹亦不疼然時常有血流出人以爲血

虛而胎漏也誰知是氣虛而不能攝血乎夫血能蔭胎而

胎中之血必得氣以包之氣虛下陷而血乃隨氣而亦陷矣然血氣虛下陷而血未常虛宜不與氣同陷不知氣虛則血必旺血旺則血必熱也血寒則靜血熱則動動則必有躍躍欲出之兆况加氣虛安得而不漏洩乎幸其氣之虛也倘氣旺而血熱則血必大崩不止些些之漏矣治之法補其氣之不足瀉其火之有餘則血不必止而自止矣

方用助氣補漏湯

人參

一錢

甘草

一錢

白芍

五錢

黃芩

三錢

生地

二錢

益母草

二錢

續斷

二錢

水煎服

一劑而血

止再劑而不再漏也此方用人參以補陽氣用黃芩以瀉

陰火火瀉則血中不熱而無欲動之機氣補則血外能包

而無可漏之竅自然氣攝血而血歸經又安有漏洩之患哉

婦人有懷胎至七八月忽然兒啼腹中腰亦隱隱作痛人以爲胎熱之故也誰知是氣虛之故乎夫兒在胎中母呼亦呼母吸亦吸未嘗有一刻之間斷也然而嬰兒至七八月母之氣必虛兒不能隨母之氣以呼吸則兒之氣必有急不及隨母之勢子母原相依戀者也子失母氣則拂子之意而作啼矣腹中聲啼似乎可異而其實不必異也治之法大補其氣使母之氣亦如子之氣則子之氣既安而子之啼亦息方用止啼湯

人參一錢 黃芪一兩 當歸五

錢麥冬一兩 橘紅五分 甘草一錢 天花粉一錢 水煎服一

服止啼二服斷不再啼此方用參芪歸冬以補肺氣以肺
主氣也肺氣旺而胞胎之氣又安能弱哉胞胎之氣不弱
而胎中之子尙不能隨母之氣吾不信也所以一二劑而
奏功耳

婦人有口渴出汗大飲凉水煩躁發狂腹痛腰疼以致胎
動欲墮人以爲火盛之極也然亦知是何經之火乎此乃
胃火熾炎熬乾胞胎之水故動而不安耳夫胃爲水穀之
海多氣多血以養各臟腑者也蓋萬物皆生於土土氣厚
而物生土氣薄而物死土氣之厚者土中有火也然則胃

之能化水穀者非胃中有火乎火在胃中宜乎生土而何以火盛而反致太乾以害土乎不知無火難以生土而多火又能燥水也土中有火則土不死土中有水則土不燥使胃火過旺必致先燥腎水腎水乾而土中無水又何以分潤於胞胎哉土燥之極而火勢炎蒸犯心神越嬰兒逼迫安得而不下墮乎治之法必須急瀉其火而瀉火必以水濟之水旺而火自衰火衰而胎自定也方用止焚定胎飲

玄參

二兩

甘菊花

三錢

青蒿

五錢

茯苓

三錢

生地一

兩

知母

二錢

白木

五錢

人參

一錢

天花粉

二錢

水煎服一

劑而狂少平二劑而狂大定三劑而火盡解胎亦定也不

必四劑此方藥料頗大恐有不勝之憂第懷妊而火盛若
此非此大劑之藥而火不息狂不肯止而胎不肯寧也然
而藥料雖多均是補水之味亦正有益無損不必顧息耳
婦人懷子在身痰多吐涎偶遇鬼神忽然腹痛胎向上頂
人以爲子懸之病也誰知是中惡而胎不安乎凡不正之
氣最能傷胎故有孕婦人不宜久廟燒香與遊陰寒之處
如古洞幽岩皆不可登眺蓋陰邪陽祟多在神字潛踪而
幽陰岩洞實其往來遊戲之所觸之最易相犯不可不戒
也況孕婦又素多痰涎眼目易眩怪症每起於痰所以拓
邪亦有可拓而拓之也治之法似宜治痰爲主然而治痰

必至耗氣氣虛而痰雖消化胎必動搖必須補氣以生血
補血以活痰少加消痰之味則氣血不虧而痰又易化方
用消惡安胎湯 白朮 五錢 甘草 一錢 白芍 一兩 陳皮 五
分 蘇葉 一錢 沉香末 一錢 乳香末 一錢 天花粉 三錢 當歸
一兩 人參 一錢 茯苓 五錢 水煎調服一劑而腹痛定鬼神
亦遠矣此方大補氣血惟圖顧本正足而邪自消痰清而
胎自定也

婦人有懷妊之後未至成形或已成形其胎必墮而性又
甚急時多怒氣人以爲氣血之衰不能固胎也誰知是肝
火之盛常動而不靜乎夫肝本藏血肝氣不藏則血自難

固蓋肝雖屬木而木中實有相火也相火宜靜而不宜動

靜則安而動則熾也然而木中之火又最易動而難靜人

生在世無日非動氣之時卽無日非動火之候況加大怒

則火更動矣火動而不可止遏則火勢飛揚不能生氣化

胎反致食氣傷精矣精傷而胎又何養乎自然難陰而易

墮治之法必須平其肝中之火而大利其腰臍之氣使氣

生夫血而血清其火也方用利氣瀉火湯 白朮一兩當

歸三錢甘草一錢黃芩二錢人參一錢白芍五錢熟地五

錢 芡實一錢 水煎服一二月胎不墮矣此方名爲利氣其

實乃補氣也補氣而不加之瀉火之藥則氣旺而火不能

下轉害夫氣矣加黃芩於補氣之中益之以熟地歸芍之
滋肝則血不燥而氣益和氣和而血和氣血和不必利氣
而無不利矣况白朮最利腰臍者哉

小產門

又十五

婦人因行房顛狂遂至小產血崩不止人以爲火動之極
也誰知是氣脫之故乎凡懷孕婦人腎水陰胎水原不足
水不足而火易沸騰加之久戰不已則火必大動若至顛
狂則春興甚醜精必大泄精泄則腎水益乾水乾則腎火
愈熾水火兩病而胎何能固自下墮矣胎墮而火潛未息
故血墮火崩有不可止之勢治之法自當以止血爲主然

而火動由於水虧血崩本於氣脫不急固其氣則氣散不能速回而血將何生耶不大補其精則精涸不能遽長而火且益熾矣方用固氣填精湯治之

錢熟地一兩 當歸五錢 黃芪一兩 炒黑荆芥二錢 三七根

末三錢 水煎調服一劑而血止再劑而身安四劑全愈此

方妙在全不清火惟補氣補精救其匱乏而奏功獨神者以諸藥甘溫能除大熱也蓋此熱乃虛熱而非實熱耳實熱可以寒折而虛熱必須溫補故補氣自能攝血而補精自能止血也

婦人有跌撲閃損遂至小產血流紫塊昏暈欲絕人以爲

瘀血之作祟也誰知是血室之傷損乎夫婦人血室與胞胎相連胞胎損而血室亦損所謂唇齒之相倚也然而傷胞胎而流血者其傷淺傷血室而流血者其傷深矣傷淺者痛在腹傷重者暈在心同一跌閃之傷也未小產與已小產治各不同未小產而胎不安者宜顧其胎而不可輕去其血已小產而血大崩者宜散其血而不可重傷其氣蓋胎已墮矣血既盡脫則血室空虛惟氣存耳倘又傷其氣安保無氣脫之憂乎故必須補氣以生血新血生而瘀血可止也方用理氣止瘀湯

人參

兩

黃芪

一兩

當歸

五錢

紅花一錢

丹皮三錢

炒黑乾姜

五錢

茯苓三錢

水煎

服一劑而瘀血止二劑而昏暈除三劑全安此方用人參
黃芪以補氣氣旺而血可攝也用當歸丹皮以補血血生
而瘀難留也用紅花黑姜以活血血活而暈可除也用茯
苓以利水水流而血易歸經耳

婦人懷妊口渴煩躁舌上生瘡兩唇腫裂大便乾結至數
日不通以致腹痛小產人以爲大腸之火也誰知是血熱
之燥胎乎夫血所以養胎者也然而血溫則胎受其利血
熱則胎受其損兒在胎中不啻如探湯之苦如何存活自
然外越下奔以避炎氣之逼欲不墮胎得乎然而產婦血
蔭於胎則血亦虛耗血虛宜生寒何故反變爲熱不知血

而陰水所化血且蔭胎則取給甚急而且大陰水不能速
生以變血則陰虛火動陰中無非火氣則血中亦無非火
氣矣兩火相合焚逼兒胎此胎之所以下墮也治之法清
其胞中之人補其腎中之精始可矣或疑兒已下墮何必
再顧其胎血不蔭胎何必大補其水不知火動之極以致
墮胎則胎中純是一團火氣此火乃虛火而非實火也實
火可瀉而虛火宜於補中清之則虛火易散真水可生倘
一味用寒涼之藥以降其火全不顧胎之虛實勢必寒氣
逼人胃中生氣蕭索又何以化精微以生陰水平不變爲
癆瘵者幾希矣方用四物湯加減治之

熟地 五錢
白芍

三錢 川芎 一錢 當歸 兩 山萸肉 二錢 山藥 三錢 梔子 一

錢 丹皮 二錢 水煎服連服四劑餘血淨而腹痛全消

娠婦有畏寒腹痛因而落胎者人以為下部太寒也誰知是氣虛而又加寒犯遂至不能攝胎而下墮乎夫人生於火亦養於火然火非氣不充氣旺而後火旺氣衰則火不能旺矣人之坐胎者受父母先天之火也先天之火即先天之氣成之故胎成於氣亦攝於氣氣旺則胎牢氣衰則胎弱胎日加盛而氣日加衰安得而不墮哉况遇寒氣之外侵則內之火氣更微此所以腹痛而胎落也當其腹痛時即用人參乾姜之藥則痛止而胎亦安無如人之不敢

用也因致墮胎僅在幾微之氣不急救其氣則又何法以
救之乎方用黃芪補血湯 黃芪二兩 當歸一兩 肉桂五

分 水煎服一劑而血止再劑而氣旺三劑而氣旺氣矣庶
不至有垂絕之憂也倘認定是寒大用辛熱之品全不去
補其氣血則過於燥熱必至亡陽又爲可危耳

妊婦有大怒之後忽然腹痛因而墮胎及胎墮之後仍然
腹痛者人以爲肝經之餘火未退也誰知是血不歸經而
痛乎夫肝藏血大怒則血不能藏宜失血而不宜墮胎胡
爲血失而胎亦墮乎不知肝性最急血門不閉其血直搗
於胞胎夫胞胎之系通於心腎之間肝血來衝必斷截心

腎之路胎因心腎路斷而胎之氣一時遂絕此胎之此以
墮也胎既墮矣而腹痛如故者因心腎未援欲續無計彼
此痛傷而肝氣欲歸於心而心不受欲歸於腎而腎不受
故血欲未淨而餘痛無已也治之法引其肝血之仍入肝
中而腹痛自止然而徒引其肝血而不平其肝木之氣則
氣逆而不易轉卽血逆而不易歸也方用引氣歸血湯

白芍 五錢

當歸 五錢

炒黑荆芥 三錢

白朮 三錢

丹皮 三錢

炒黑乾姜 五分

香附 五分

鬱金 一錢

甘草 一錢

麥冬 五錢

五錢

水煎服此方名爲引氣其實仍皆引血也引血卽是引氣
則氣歸於肝之中卽血歸於肝之內矣氣血兩歸而腹猶

作痛此予之所不信也

鬼胎門

五十五

婦人有壞娠終年不產面色黃瘦腹如斗大肌膚消削常至一二年未生者此鬼胎也其人必與鬼交或入神廟而興雲雨之思或遊山林而起交感之念皆能召祟成胎幸其人不致淫蕩見祟而驚惶遇合而愧慙則鬼祟不能久戀一交搆而去然而淫氣妖氛已結於腹遂成鬼胎其先人尙未覺迨後而漸漸腹大蓋人身之氣血不行內外相包一如懷胎之兆有似血臆之形其實非胎非臆也治之法必須用逐穢之藥為主然而人至懷胎數年卽非鬼胎

其氣血必衰況非真姪則邪氣甚旺而正不敵邪其虛弱

之狀必有可掬烏可以迅利之藥竟用祛蕩乎自必從補

中逐之爲得方用蕩鬼湯雷丸二錢大黃一兩紅花三

錢枳壳一錢厚朴一錢桃仁二十粒當歸一兩人參一錢

牛膝三錢丹皮三錢水煎服一劑腹必大鳴瀉出惡物半

桶再服二劑又瀉惡物而愈斷不可思三劑也此方用雷

丸以祛穢又得大黃之掃除佐之紅花厚朴等藥皆善行

善攻之品亦何邪能留於腹中自然盡精逐下妙在用參

歸以補氣血則邪去而正又不傷否則單用雷丸大黃以

迅下之必有血崩氣脫之害矣倘或自知鬼胎如室女冥

婦之人一旦成形雖邪氣甚盛而真氣未漓可用岐天師
新傳紅黃霹靂散 紅花半片 大黃五錢 雷丸三錢 水煎
服亦能下胎然未免過傷氣血不若湯鬼湯有益無損之
更佳也亦在人斟酌而善用之耳

難產門 二十七

婦人腹痛數日不能生產人以爲氣虛力弱不能送子出
產門也誰知是血虛膠滯胎中無血兒不易轉身乎夫胎
之成由於腎之精而胎之養半資於五臟六腑之血故血
旺者子易生血衰者子難產所以臨產之前必須補血雖
血難驟生補氣正所以生血也然而徒補其氣而不兼補

其血則陽過於旺而陰反不足偏勝之害恐有升而不降

之虞故又宜氣血之兼補氣血並旺氣能推送而血又足

以濟之則汪洋易於轉頭又何致有膠滯之憂哉方用送

子丹治之 黃芪一兩 當歸一兩 川芎三錢 熟地五錢 麥

冬一兩 水煎服二劑而三生矣且無橫生倒養之病此方

補氣補血之藥也二者相較補血重於補氣補氣止有黃

芪而其餘無非補血之品無論氣血兩平陰陽交泰易於

生產而血旺於氣則胞胎之內無非血也譬如舟遇水淺

之區雖用盡人功約難推動忽得春水之泛濫則舟能自

行又遇順風之送有不揚帆而迅走者乎血猶水也氣猶

風也無水而風雖順何益哉故補氣而必須補血耳

婦人有兒已到門竟不能產此危急存亡之時也人以為

胞胎先破水不能推送之故誰知是交骨不開乎蓋產門

之上原有骨二塊兩相鬪合未產之前其骨自合將產之

際其骨自開婦人兒門之肉原自斜生皮亦橫長實可寬

可緊可大可小苟非交骨聯絡則兒門大開可用手入之

以採取胞胎也故交骨為兒門之關亦為婦人鎖鑰之鍵

此骨不開則腸且直下然而交骨能開能闔者氣血主之

也無血而兒門自閉無氣而兒門不開欲兒門之開闔必

須交骨順滑而後可非大補氣血而交骨又何易開闔乎

然而開之甚易而開之甚難生產而交骨不開者因產前

之貧色也過於泄精則氣血大虧無氣血以行兒門則交

骨粘滯而不易開故開交骨必須於補氣補血之中而用

開骨之藥兩相合治而兒門自開不必推生而子自出下

矣方用降子散 當歸一兩 人參 錢 川芎五錢 紅花一

錢 牛膝二錢 柞木枝一兩 水煎服一劑而兒門一響响亮

骨如解散子乃直降矣此方用人參以補氣用歸芎以補

血用紅花以活血用牛膝以下降用柞木以開關君臣佐

使同心協力所以取效甚神妙在甲開於補之內也雖單

服柞木亦能開骨但無補氣補血之藥則開不易合兒門

此方奇聞 卷七 七

不關不無風入之憂不若用此方之能開能閉之爲妙也
至於兒未到門萬不可先用柞木以開其門然用降子散
亦正無礙以其補氣補血耳若單用柞木必須俟兒頭到
門而後用之也

婦人生產有腳先下者有平生出者人以爲橫生倒產至
危之病誰知是血氣甚衰之病乎凡兒在胎中兒身正坐
惟男向內坐女向外坐也及至生時則頭必旋轉而後生
此天地造化之奇實非人力所能勉強雖然先天與後天
未嘗不並行而不悖天機之動必得人力以濟之人力者
非產母用力之謂也謂產母之氣血足而胎必順

氣血虧而胎多逆蓋氣血既虧則母身自弱而子在胎中
又何能強勢必予身怯弱雖欲轉頭而往往無力故破胞
而出此手足之所以先見也當是時急以針刺兒之手足
則兒必驚縮而入急用轉天湯救之

兩川芎一兩升麻四分牛膝三錢附子一分水煎服一劑

而兒轉身次急用二劑自然順生此方用人參歸芎以補
氣血之虧人盡知其義乃用升脉又用牛膝附子恐人未
識其妙蓋兒已身斜非用提挈則頭不易轉然既轉其頭
非用下行則身不速降三者並用非加附子則不能無經
不達使氣血之迅達而推生也

婦人有生產三四日子已到門交骨不開子死而母未亡者服開交骨之藥不驗必有死亡之危今幸不死者正因其子之死則胞胎已墮子母離開子死而母氣已收未至同子氣之俱絕也治之法但救其母而不必顧其子也然而子在兒門塞住其口亦有死之道仍宜用推送之法補血以生水補氣以生血則氣血兩旺而死子可出也倘徒用祛除降墮之劑以下其子則子未必下而母先脫矣非救援之善也方用救母丹 當歸二兩 人參一兩 川芎一兩 荆芥三錢 益母草一兩 赤石脂末一錢 水煎服一劑而

子下矣此方用歸芎以補血用人參以補氣氣血兩旺上

能升而下能降氣能生而血能送安得有阻滯之憂乎況益母草又善下死胎赤石脂復易化瘀血自然一湧而齊出耳

婦人生產六七日胞水已破而子不見下人以爲難產之故也誰知是其子已死於腹中乎夫兒死於兒門之邊易於辨生死兒死於腹中其生死實難辨也兒在門邊未死者兒頭必能伸能縮已死者必安然不動也卽以手推之其不動如故若係未死少按其髮兒必退入矣故易辨也若死在腹中何從而知之雖然可辨也凡子死於腹中者產母之面必無黑氣難產之時產母有黑氣現面者子母

兩死面無黑氣是母無死氣也非子死而何以此辨生死
斷斷不爽既知兒死於腹中不能用藥以降之亦危道也
豈用霸道以瀉之乎生產至七日其氣血困乏烏勝霸道
之治哉况霸道必逐其子也子下而母且立安必須仍補
甘母補母而子可自出矣方用療兒散 人參一兩當歸

二兩川芎一兩牛膝五錢鬼臼三錢乳香末二錢水煎服

一劑而死兒下矣凡兒生必轉其頭原因氣血之虛以致
兒頭之難轉世人往往用催生之藥以耗兒之氣血則兒
之氣不能通達反致閉悶而死此等之死實醫殺之也所
以難產之病斷不可輕用催生之藥一味補氣補血全活

嬰孩之命正無窮也此方救兒死之母仍用大補氣血所以救其本也誰知救本正所以催生哉

婦人有產數日而胎不下服催生藥皆不效人以爲交骨之難開也誰知是氣結而不行乎夫交骨不開固是難產然而兒頭到門不能下者乃交骨之不開也自宜用開骨之劑若兒未到門而不產者非交骨不開之故也若開其交骨則兒門大開而兒頭不轉必且變出非常萬萬不可輕開兒門也大約生產之時切忌坐草太早兒未轉頭原難驟生乃早於坐草產婦見兒不下未免心腹懼恐恐則心神怯神怯則氣下而不升氣既下不升則上焦閉塞而氣

乃逆矣上氣既逆而上焦脹滿氣益難行氣阻於上下之間不利氣而催生則氣愈逆而胎愈閉矣治之法但利其氣不必催生而胎自下矣方用舒氣飲 人參一錢紫蘇

三錢川芎五錢當歸一兩陳皮一錢白芍五錢牛膝三錢

柴胡八分水煎服熬白七寸同煎一劑而逆轉兒卽下矣

此方利氣而實補氣也氣逆由於氣虛氣虛易於恐懼補其氣而恐懼自定恐懼定而氣逆者不知其何以順也況方中紫蘇柴胡白芍牛膝之類無非平肝疏肺之品佐人參芎歸實有補利之益也何必開交骨之多事哉

婦人甫產兒後忽然眼目昏花惡心欲吐心中无柰或神魂外越恍若天上雲行人以爲惡血衝心之患也誰知是氣虛欲脫而血暈乎蓋新產之後血以盡傾血舍空虛止存微氣備其人陽氣素虛則氣不能生血心中之血前已蔭胎胎破而心之血隨胎而俱墮則心无血養所望者氣以固之也今氣又虛脫而心君无護所剩殘血欲奔回救主而血非正血不可歸經內庭變亂反成血暈之症矣治之法必須大補氣血而不宜單治血暈也或疑心爲血暈更補其血不更助其暈乎不知新血不生則舊血不散補血以生新血正活血以逐舊血也然而血乃有形之物難

以連生氣乃无形之物易於迅長補氣以生血不又易於

補血以生血乎方用解暈湯

荆芥

二錢

人參

一錢

當歸

一兩

炮姜

一錢

黃芪

一兩

水煎服

一劑而暈止

二劑而心

定

三劑而血旺

四劑而生血再不暈也此方實解血暈之

聖方凡產後能服此方斷無而退母之症或人參力不能
用減去大半或少一二錢餘如分兩多服數劑亦無不奏
功也

婦人子方下地卽昏暈不語此氣血雙脫也本在不救然

能救之得法亦能生者我受天師秘傳何敢隱而不告以

救萬世產亡之婦乎當是時急用縫衣鍼刺其眉心之穴

得血出卽語矣然後以獨參湯入參一錢急煎灌之無不

生者倘貧家之婦無力買參用當歸補血湯

黃芪二兩

當歸一兩煎湯一碗灌之亦生萬不可於一方之中輕加

附子蓋附子無經不達反引氣血之藥走而不守不能專

注於胞胎不若人參歸芪直救其氣血之絕聚而不散也

蓋產婦昏暈全是血舍之空虛無養心以致血暈舌爲心

之苗心旣無主而舌又安能出聲耶眉心者上通於腦而

下通於舌而系則連於心刺眉心則腦與舌俱通而心中

清氣上升則瘀血自然下降然後以參芪當歸補之則氣

血接續又何能死亡乎雖單用參芪當歸亦能生者然終

刺眉心則萬無一失瘀血冲心所以昏暈不語解其瘀血
之冲真所謂扼要爭竒也世人但知灸眉心之法誰知刺
勝於灸乎蓋灸緩而刺急緩則難以救絕急則易於回生
耳
婦人有產後三日發熱惡路不行敗血攻心狂言呼叫甚
欲奔走拿捉不定人以爲邪熱之在胃也誰知是血虛而
心無以養乎產後之血盡隨胎胞而外越則血室空虛五
臟皆無血養當是之時正心中之血尙存些微以護心也
而各臟腑皆欲取給於心而心包爲心君之相攔絕各臟
腑之氣不許入心故心安而神定是護心者全藉心包也

然而心包亦虛倘不能障心而各臟之氣遂直入心中以分取天心之血而心包情極既不能顧君又不能禦衆於是大聲疾呼本欲號召勤王而亦返近於狂悖有無可如何之象故病似熱非實熱也治之法大補其心中之血使各臟腑分取之以自養而不必再求於心君則心安而心包亦安方用安心湯 乾荷葉 一片 生地黃 五錢 丹皮 五錢 當歸 二兩 川芎 一兩 生蒲黃 二錢 一劑即定而惡亦下矣此方用歸芎以補血何以又用生地丹皮之涼血似非產後所宜不知惡血奔心未免因虛熱而相犯吾於補中涼之則涼不爲衰況益之乾荷葉則七竅相通能引邪外

出於心而不內害於心轉佐蒲黃以分解惡路也但此方
止可暫用一劑以定狂而不可多用數劑以取勝又不可
慎之也

胞衣不下門 二十九

婦人鬼以生地而胞衣尙留於腹三日不下心煩意躁時
欲暈去人以爲胞胎之蒂未斷也誰知是血少乾枯粘連
於腹乎世見胞衣不下心懷疑懼恐其上冲於心有死亡
之兆然而胞衣何能冲於心也但胞衣未下而瘀血未免
難行而有血暈之虞耳治之法仍大補氣血使生血以送
胞衣則血生迅速尤易推墮也方用送胞湯

當歸 二兩

川芎五錢 乳香末一錢 益母草一兩 沒藥末一錢 麝香半

分 研荆芥二錢 水煎調服 立下此方以當歸川芎補其氣

血以荆芥引氣血以歸經用益母草乳香等藥逐瘀而下

胎新血既長舊血難存氣旺上升而瘀濁自然迅降無留

滯之苦也胞衣靈物也非依於子即依於母子生不隨子

俱下以子之不可依也故留於腹有回顧其母胎之心而

母胎雖以生子其蒂間之氣原未絕也所以流連欲脫而

未脫耳徃徃有在腹六七日不下而胞衣竟不腐爛正以

其有生氣也可見胎衣在腹不能殺人補之而自降也或

謂胞衣既有生氣補氣補血則胞衣益宜堅牢何以補之

而反降不知子以未下補則益於子子已下補則益子母
益子而胞衣之氣連益母而胞衣之氣脫實有不同也其
不同者又是何故氣連者胞胎之氣通氣脫者脫胎之氣
閉通則兩合而閉則兩開矣是以補氣補血而胎反降也
婦人子生下地五六日而胞衣留於腹中百計治之竟不
肯下然有絕無昏暈之狀人以爲瘀血之粘連也誰知是
氣虛而不能推送乎夫瘀血在腹斷無不作崇之理有則
必然發暈今安無恙是血以淨矣血淨宜清氣升而濁氣
降今胞胎不下是清氣下陷而難升遂至濁氣上浮而難
降然濁氣上升又必有煩躁之病今亦安然者是清濁之

氣兩不能升也然則補甚氣不無濁氣之上升乎不知清

升而濁降者一定之理未有清升而濁亦升者也苟能於

補氣之中仍分清濁之氣則升清正所以降濁矣方用補

中補益氣湯 人參二錢 黃芪一兩 當歸五錢 升麻三分

柴胡二分 陳皮二分 甘草一分 白朮五錢 蘿蔔子五分 水

煎服一劑而胞衣自下矣夫補中益氣湯補氣之藥即提

氣之藥也並非推送之劑何以能胎衣如此之速也不知

濁氣之下陷者由於清氣之不升也提其氣則清升而濁

氣自降濁氣降而腹中所存之物無不盡降正不必又去

推送之也况方中又加蘿蔔子數分能去分理清濁不致

兩相杆格此奏效之所以神耳

產後諸病門 七十

婦人產後少腹疼痛甚則結成一塊手按之益痛此名兒枕痛也夫兒枕者前人謂兒枕頭之物也兒枕之不痛豈兒生不枕而反痛乎是非兒枕可知既非兒枕何故作痛乃瘀血成團未散之故也此等之痛多是健壯之婦血之有餘而非血不足似乎可用破血之藥然而血活則瘀血自除血結則瘀血作祟不補血而敗血雖瘀血可消畢竟耗損血氣不若於補血中以行其逐穢之法則瘀血既去而氣血又復不傷方用散結安枕湯

當歸 一兩
川芎 五

山查十粒 牡丹皮二錢 荆芥三錢 益母草三不 桃仁七

個 乳香一錢 水煎服一劑而痛即止矣不必再劑也此方

逐瘀於補血之中消碑於生血之內妙在不專攻夫痛而

其痛自止彼世人一見兒枕之痛動以延胡木蒲黃五靈

脂之類以化塊又何足論哉

產後少腹痛按之即止人亦以為兒枕之痛也誰知是血

虛之故乎產後亡血過多則血舍空虛原能腹痛但痛實

不同如燥^燥觸體光景此乃虛痛而非實痛也凡虛痛宜

補而產後之虛痛尤宜補也惟是血虛之病必須用補血

之劑而補血之味大潤滑居多恐與大腸不無相礙然而

產後則腸中乾燥潤滑正相宜也故補血不特腹中甚安而腹中亦甚便耳方用腹寧湯

當歸一兩 續斷五錢 阿膠二錢

膠二錢

人參一錢

麥門冬一錢

炙甘草一錢

山藥三錢

熟地一兩

肉桂二分

水煎服一劑而痛輕二劑而痛止多服

更佳此方補氣補血之藥也然補氣而無大甚之憂補血而無太滯之害氣血既生不必止痛而痛自止矣

產後氣喘最甚危証苟不急治立刻死亡人以為氣血之兩虛也誰知是氣血之兩脫乎夫氣血既脫人將立死何又能作喘此血已脫而氣猶未脫也血脫欲留而氣又不

能留血之脫故氣反上喘如人與賊鬪力不勝賊之強而

能留血之脫故氣反上喘如人與賊鬪力不勝賊之強而

又不肯自安於不鬪乃號召同志以求鄰人之助故聲呼而喘作其證雖危而可救處正在於作喘肺主氣也喘則肺氣若盛而不知實脉氣之衰當是時血難驟生止存些微氣望肺之相救甚急而肺因肺失氣實無力難以提挈則氣安保不遽脫乎是救氣必須提氣而提氣必須補氣也方用救脫活母丹 人參一兩 肉桂一兩 當歸一兩 麥冬一兩 山茱萸五錢 熟地一兩 枸杞子五錢 阿膠三錢 荆芥炒黑三錢 水煎服一劑而喘輕二劑而喘又輕三劑而喘平四劑全愈此方用人參以接續元陽然徒補其氣而不血則血燥而陽旺雖回陽於一時而不能制陽於永久

亦旋得旋失之道也卽補其血也而不急補其腎肝之精則本實不固陽將安續乎所以又用熟地茱萸枸杞以補其肝腎之精而後益其肺氣則肺氣健旺升提有力也又慮新產之後用補陰之藥膩滯不行加入肉桂以補其命門之火非惟火氣有根易於助人參以生氣而且能運化地黃之類以化精微也然而過於助陽萬一血隨陽動然而瘀血上行亦非萬全之計更加入荆芥以引血歸經則肺氣更安喘尤速定也

產後惡寒惡心身顫發熱作渴人以爲產後傷寒也誰知是氣血兩虛正不敵邪之故乎凡人正氣不虛則邪斷難

入產婦失血既多則氣必大虛。肌虛而皮毛無衛邪原易入原不必戶外之風襲體卽一舉一動而風卽乘虛而入矣。雖然產婦風入易而風出亦易。凡有外邪俱不必祛風。況產婦惡寒者寒由内生而非由外進也。發熱者熱因內虛而非因外實也。治其內寒而外寒自散。治其內熱而外熱自解矣。方用十全大補湯治之。

人參 一錢
黃芪 一兩

白朮

五錢

茯苓

三錢

甘草

一錢

熟地

五錢

白芍

二錢

川芎

一錢

當歸

三錢

肉桂

一錢

水煎服

二劑而寒熱解而身涼

矣。此方但補其氣血之虛絕不丟散風邪之實。正以正氣既足而邪氣自除矣。況又原無邪氣乎。所以治之奏功也。

產後惡心欲嘔時而作吐人以爲胃氣之寒也誰知是腎氣之冷乎夫胃爲腎之關胃氣寒則胃不能行於腎之中而腎氣寒則腎亦不能行於胃之內是胃與腎原不可分而兩治也惟是產後失血血虧必至於腎水之涸腎水涸宜腎火之炎上矣不宜胃有寒冷之虞也何故腎寒而胃亦寒乎蓋新產之餘水乃遽然涸去其虛火尙不能生火旣不生而寒之象自現治之法當補其腎中之火矣然而腎火無水以相濟則火過於熱未必不成爲陰虛火動之虞必須於水中補火腎中溫胃而後腎無太熱之病胃有旣濟之歡也方用溫胃之嘔湯

人參三分 檳榔五分 白

豆寇 一粒 巴戟天 一兩 白朮 一兩 茯苓 二錢 炮薑 錢孰

地 五錢 山茱萸 五錢 水煎服一劑而吐止二劑不再吐也

四劑全愈此方治胃之藥多於治腎然而治腎仍是治胃所以胃氣升騰寒氣盡散不必用太熱之味以溫胃而祛寒也

產後腸下者亦危症也人以為鬼門不關之故誰知是氣其氣矣然而新產之婦恐有瘀血在腹一旦提氣併瘀血而亦上升則衝心之症又恐變出非常是氣久不可竟提也氣既不可提而腸又下陷將何法以治乎豈止可用草脈以吸之噉萬一草藤不可猝得將柰之何不知氣之下


陷因氣虛也補其氣則氣旺而腸自升舉不必用升提之藥惟是補氣之藥少則氣衰力薄而難以上升必須多用則陽旺力大何能終降助方用升腸飲 人參一錢黃芪一兩 白朮五錢當歸一兩 川芎三錢升麻一分水煎服一劑而腸升矣此方純乎補氣絕不去升腸卽加升麻之一分但引氣而不引血蓋升麻少用則氣升多用則血升也產後半月血崩昏暈目見鬼神人以爲惡血之冲心也誰知是不慎於房帷乎天產後半月其氣血雖不比初產之一二日然而氣血新生未能全復卽血路已淨而胞胎之腸損如故斷不可輕易交合以重傷其門戶今血崩而至

昏暈且目見鬼神是心腎兩傷不止胞胎門戶已也即是
既犯色戒而又加酣戰以致大泄其精精泄而神亦脫矣
此等之症多不可救然當於不可救之中而思一急救之
法古大補其氣無二法也方用救敗求生湯 人參一錢
熟地一兩 當歸二兩 川芎五錢 白朮二兩 附子一錢 山茱
萸五錢 山藥五錢 棗仁五錢 水煎服一劑而神定者再劑
必暈止而血亦止否則不可救矣倘一服見效連服三劑
減半再服十劑可慶更生此方補氣以回元陽於無何有
之溲陽回而氣回矣氣回可以攝血以歸神可以生精以
續命不必治暈而暈除不必止崩而崩斷也

婦有生產之時因收生之婆手入產門損傷尿管因之淋瀝不止欲少忍須臾而不能人以爲胞破不能再補也而誰知不然夫破傷在皮膚者尙可完補豈破傷在腹獨不可治療乎或謂破在外可用藥外治以生皮破在內雖有外膏無可補救耳然而破在內外治無可施其力安在內治不可奏其功試思瘡瘍之毒大有缺陷尙可服藥以長肉況收生不謹小有損傷並無惡毒何難補其缺陷助方用完胞飲 人參一錢 白朮一兩 當歸一兩 川芎五錢 桃仁十粒 黃芪五錢 茯苓二錢 紅粉一錢 白芨末一錢 益母草三錢 以猪羊胞先煎湯後熬藥服十日全愈矣胞

損宜用補胞之藥何以不用補胞而反用補氣補血之藥也蓋生產而致收生之婆以手探胞其難產必矣難產者因氣血之虛也產後大傷其血是虛其虛矣因虛而損復因損而虛不補其氣血而胞破何以重完乎今大補其氣血不啻如乞人而與之飲食也則精神驟長氣血再造少有損傷何難完補故旬日之內卽便成功耳

婦有產子之後四肢浮腫寒熱往來氣喘咳嗽胸膈不利口吐酸水兩脇痠痛人以爲敗血流入經絡滲入四肢以致氣逆也誰知是腎肝兩虛陰不能入於陽乎夫婦當產後氣血大虧自然腎水不足而腎火沸騰水不足則不能

養肝而肝木火燥木中無津火發於木而腎火有党子母
兩焚將火焰直冲而上金受火刑力難制肝而咳嗽喘滿
之病生肝火既旺必尅脾土上衰不能制水而浮腫之病
出然而肝火之旺乃假旺而非真旺也假而氣若盛而實
衰故時熱時寒往來無定隨氣之盛衰而爲寒熱熱非真
熱而寒亦非真寒是以氣逆於胸膈而不舒兩脇者尤肝
之部位也酸乃肝木之味吐酸脇痛皆肝虛而腎不能榮
之故也治之法補其血以養肝更其精以生血精足
而血亦足血足而氣自順矣方用

人參一錢 熟地一兩

山茱萸三錢 白芍五錢 當歸五錢 破故紙一錢 茯苓三錢

芡實 二錢 山藥 五錢 柴胡 五分 白朮 三錢 水煎服方名轉

氣湯方中多是補精補血之品而何以名之爲轉氣耶不知氣逆由於氣虛氣虛者腎肝之氣虛也今補其腎肝之精血卽所以補其腎肝之氣也氣虛則逆氣旺有不順者乎是補氣卽轉氣也氣轉而各症盡愈陰入於陽而陽無扞格之虞矣

婦人產後水道中出肉線一條長三四尺動之則痛欲絕人以爲胞胎下墜也誰知是帶脉之虛脫乎夫帶脉束於任督之脉任前而督後兩脉有力則帶脉堅牢兩脉無力則帶脉崩墮產後亡血過多無血以養任督而帶脉崩墮

力難升舉故隨溺而隨下也帶脉下垂每每作痛於腰膂
況下墮而出於產門其失於關鍵也更甚安得不疼痛欲
絕哉治之法大補其任督之氣則帶脉不升而自升矣方
用兩收丹 白朮二兩 人參一錢 川芎三錢 巴戟天三錢
山藥一兩 茨實一兩 白朮十枚 扁豆五錢 土仲五錢 熟地
二兩 山茱萸四錢 水煎服一劑收半再劑全收此方補任

督而仍補腰膂者何故蓋任督之脉連於腰膂補任督而
不補腰膂則任督無力而帶脉何以升舉哉惟并補之而
任督得腰膂之助則兩脉氣旺而難肢帶於頃刻乎所以
二劑而即奏功也

婦人產後陰戶內一物垂下其形如帕或有角或二岐人
以爲產類也誰知是肝痿之病乎夫產後何以成肝痿也
蓋因產前勞役傷氣又觸動惱怒產後肝不藏血血亡過
多故肝之脂膜隨血崩墮其實似子宮而非子宮也若子
宮下墮狀如茄子止到產門而不越出產門之外惟肝之
脂膜往往出產門者至六七寸許且有粘膚乾落者一片
如掌大使子宮墮落人且立死矣安得重生乎宿之法大
補其氣血而少用升提之法則肝氣旺而易升肝血旺而
易養脂膜不收而自收矣方用收脂湯 黃芪 一兩 人參
五錢 白朮 五錢 升麻 一錢 當歸 三錢 白芍 五錢
水煎服一

劑卽收或疑產婦禁用白芍何以頻用之而奏功耶嗟乎
白芍原不可頻用也然而病在肝者不可不用况用之於
大補氣血之中在芍藥亦忘其酸收矣又何能作崇乎且
脂膜下墮正籍酸收之味助升蔴以提氣血所以無過而
反能奏功耳

下乳門

七十一

婦人產後數日絕無點滴之乳人以為乳管之閉也誰知
是氣血之涸乎夫無血不能生乳而無氣亦不能生乳乳
者氣血所化也然而二者之中血之化乳又不若氣之化
乳爲速新產之後血已大虧生血之不遑又何能生乳全

借氣以行血而成乳也今數日而乳不下血誠少而氣猶微氣旺則乳旺氣衰則乳衰氣絕則乳亦絕必然之勢也世人不知補氣之妙一味通乳無氣則血從何生無血則乳從何化不饑向乞人而求食問貧兒而索金耶治之法補其氣以生血不可利其竅而通乳也方用通乳丹 人參一錢 當歸二兩 麥冬五錢 黃芪二兩 豬蹄二個 木通三分 桔梗三分 水煎服二劑而乳如泉流矣此方單補氣血以生乳正以乳生於氣血也產後氣血衰而無乳非乳房之閉而斷乳者可比然則不必通乳也不必通乳而名爲通乳丹者亦因其無乳而名之今不通乳而乳生名爲生

乳丹亦可也

有壯婦生產後數日或聞丈夫之嫌或聽公姑之啐遂至
兩乳脹滿作痛乳汁不通人以爲陽明之火也誰知是肝
氣之鬱結哉夫陽明多氣多血之腑乳汁之化原屬陽明
經也然而陽明屬土必得肝木之氣相通則稼穡作其始
成乳汁未可全責之陽明也壯婦產後雖亡血過多而氣
實未衰乳汁之化全在氣而不盡在血也宜其有乳今產
數日而兩乳脹滿作痛是欲化乳而不可得非其無氣不
能化乳也明是因羞成鬱肝氣不揚而陽明之土氣亦因
之而同鬱木土相合而相鬱又安得而化乳哉治之法大

其肝木之氣則陽明之氣血自通不必通乳而乳自通也方用通肝生乳湯 白芍 五錢 當歸 五錢 炙甘草 五錢 通

草 一錢 柴胡 一錢 白木 五錢 甘草 二分 熟地 一兩 遠志 一

錢 水煎服一劑即通此方藥味太重治產婦似乎不宜不知健婦抱鬱不妨權宜用之若非少壯之女雖因鬱少乳不可全用減半治之亦不至全失又在臨症時裁酌之也

